

16/21.

SPECIMEN INAUGURALE MEDICUM

S I S T E N S.

BIGAM OBSERVATIONUM
DE MORBIS NERVORUM,

CONSENSU ORDINIS MEDICORUM IN UNIVERSI-
TATE CAESAREA LITERARUM DORPATENSIS
AMPLISSIMI,

P R O

GRADU DOCTORIS MEDICINAE
OBTINENDO

C O N S C R I P S I T

ET ERUDITORUM EXAMINI OFFERT

A U T O R :

J O A N N E S V O L K E N A U,
B A V A R U S.



D O R P A T I,
LITTERIS MICHAELIS GERHARDI GRENZII,
T Y P O G R A P H I A C A D E M I C I.
M D C C C X I V.

I n p r i m a t u r ,

at quidem sub conditione, ut, simulac dissertatio
haec typis excusa sit et antequam divulgetur, sep-
tem exemplaria, quæ secundum jussum superiorem
distribuenda sunt, administrationi Universitatis,
cui censura librorum mandata est, tradantur.

Dorpati, d. XIX. Septbris MDCCCXIV.

Dr. Daniel Georgius Balk,

a Consiliis collegiorum, Patho-
logiae, Semiotices et Thera-
piae Professor publicus or-
dinarius, Collectionis pa-
thologicae, instituti, quod
asphycticorum curam gerit,
nec instituti medico-clinici
Director etc,

C o r r i g e n d a .

- Pag. 3 lin. 20. deleatur „post.“
— 8 — 1. loc. ejus — leg. eorum.
— — 12. l. dies — leg. dies.
— 9 — 14. l. eset — leg. esfet.
— — lin. ultima, l. um — leg. tum.
— 12 — 14. l. secundi — leg. secunda.
— 15 — 22. l. intermixtus — leg. intermixtum.
— — 23. l. ufus — leg. ufum.
— — 24. l. addenda — leg. addendum.
— 16 — 2. l. deltrium — leg. delirium.
— — 14. l. Hyosoyami — leg. Hyoscyami.
— — 23. l. fscit — leg. — facit.
— 17 — 9. l. fuspicionis — leg. fuspicionis.
— 18 — 13. l. subadstrigentibus — leg. subad-
strigentibus.
— — 20. l. femibora — leg. femihora.
— 19 — 11. l. phaenemenis — leg. phaenomenis.
— — ultima l. nfornis — leg. infornis.
— 20 — 10. l. uli — leg. illi.
— 22 — 9. l. perfecte — leg. perfecte.
— 23 — 13. et 14. l. scatens — l. scatentem.
— — 18. l. exulcerationes — leg. exulcera-
tiones.

D 17380

Observatio I.

O*, puer quatuordecim annorum, constitutione debili et habitu cachectico candidus, die XXIII Martii MDCCCXII me adiit, atque historiam morbi sui anamnesticam verbis sequentibus enarravit. Quarta circiter abhinc hebdomade doloribus per totum corpus diffusis vexabatur, quos cum aurium susurru cephalaea, gustus amarus validique caloris sensus sequebantur. Quibus insuper phaenomenis paulo post ejectio ingestorum omnium per os cum inflatione abdominis accedebat. Dejectiones alvinae durae, vermibus saepe intermixtis; praecordiorum regio dolebat cum hypochondrio dextro, cephalalgia fronte insidebat et aeger tussi vexabatur, absque tamen notabili pulmonum adfectione. Quae phaenomena febrem gastrico catarrhalem indicantia, post diebus quindecim praeterlapsis, narrante aegroto, sponte evanu-

erunt, excepto capitis dolore, qui verum rarius, tum minori in gradu sentiebatur. Postquam per duodecim circiter dies aeger bene valuisset, decimo quarto hujus mensis vix expectatus e somno dolor perquam gravativus regionem superciliorum et fundum orbitae adgrediebatur, qui sensu obnebulationis visus in horas ad auctae conjunctus erat. Quo magis haec obnebulatio accrevit, decrevere dolores et jam tempore meridiano hujus diei sensus visus in oculo dextro prorsus erat extinctus, remanente vix facultate, oculi sinistri ope lucem solis a tenebris distinguendi. Statu hoc amaurotico prima vice aegrotum vidi. Pupilla oculi utriusque, potissimum dextri immobilis, valde dilatata, margo iridis decolor, e camera posteriori nebula enitebat, qua ipsa pupilla nigredine erat privata; axes oculorum obliqui inducebant strabismum, quo, cum bene valuit aeger, fuit expers. Oculus sinister paululum adhuc dolebat, vespertino praecipue tempore et tunc iris ejus levem etiam praebuit contractilitatis gradum cum lucis perceptione valde confusa

et debili. Qua visus laesione excepta bene se habere confessus est. Attamen, ne omitterentur, quae ad meliorem morbi causarumque ejus indagationem facere possent, organa abdominalia rite examinavimus. Venter paululum; tensus nullum doloris sensum edidit, lingua muco albido leviter modo oblecta, appetitus bonus; alvus nec laxus nec strictus, nec alia ratione vitiat; tamen pulsus parvus, duriusculus, contractus, albuginea oculi parum flavescens, praecordiorum et infimi ventris inflatio, et gastricus morbi praecedentis character tanti nobis valuerunt, ut incitamenta abdominalia remove atque intemperiem viscerum commutare prae aliis decreverimus, quae quippe nobis fontes amauroseos primarii, aut praecipui saltem esse videbantur. Praescripsimus eam ob rationem infusionem florum Arnicae concentratam, superadditis nonnullis Tartari emetici granis, ita, ut quavis hora quadrans grani Tartari sibiati sumeretur. Ne vero stimulo rheumatico, qui gastrici erat comes atque tempore isto vigeat, parcere velle videremur, emplastrum vesicatorium

regioni superimposuimus, qua nervus supraorbitalis ex osse frontis exit. Hunc prae aliis nervum esse respiciendum eo magis consulimus, cum strabismus, cuius jam mentionem fecimus, ob nexum, qui inter par oculos motorium et primum ramum quinti paris intercedit, de rami huius adfectione sat nos superque edocuit.

d. XXV. Martii.

Oculo sinistro hodie facultas videndi clarior rediit; utriusque oculi pupilla paulum mobilior; ceteris immutatis. Usus formulae praescriptae continuatur.

d. XXVII. Martii.

Utriusque oculi pupillae contractae sunt et mobiles; aeger objecta majora clarius animadvertit, potissimum ope oculi sinistri; et dexter iam objecta visus sentire incipit. Quoad functiones ceteras bene se habet. Lingua vix adhuc muco tenui obducta, appetitus bonus, dejectiones alvinae a statu normali non secedunt; abdomen nulla amplius ratione tensum durumve, pulsus parvus et parumper tantum excitatus sed cutis semper arida. Dolor

superciliis insidens prorsus evanuit, nebula cameram posteriorem oculi obscurans clarior. Loci prope supercilia, quibus emdlastrum vesicans erat superimpositum, pro servanda suppuratione derivante deligantur remedio sequente:

Rx. Unguent. Basilic. ʒvjj.

Pulv. cort. Mezerei ʒj

Merc. praecip. rubr. ʒβ. M.

Insuper mixtionem praescripsimus e Balsami vitae Hoffmanni et spiritus salis ammoniaci caustici partibus anaticis compositam, eo quippe usui, ut quater in die vola manuum liquoris huius pauxillo madefacta oculis apertis admoveretur, quo magis vapores excitantes volatiles oculi ipsius bulbum penetrare possent. Denique interne Infusum Radicis Valerianae et florum Arnicae cum Oleo Cajaputi nuptum quavis hora sumendum curavimus.

d. XXVIII. Martii.

Aeger se habuit, ut heri; facultas videndi paulum aucta est. Medicamina continuantur eadem.

d. XXIX. Martii.

Aeger objecta visus minora percipere

iam valet, etsi clariorem ejus notionem nondum habeat; pulsus paulisper excitatus; bona cetera.

d. XXX. Martii.

Omnia uti die praecedente. Infusum Radicis Valerianae et florum Arnicae fortius propinatur, addita Essentia Chenopodii ambrosiaci et aucta olei Cajaputi dosi; externorum usus continuatur.

d. I. Aprilis.

Facultas objecta visus percipiendi paululum in dies increscit; pulsus semper idem; spasmi leves, dolorosi in musculo orbiculari palpebrarum oculi potissimum sinistri; functiones ceterae normam sequentes. Usui antea memoratorum continuato addendum esse consuluimus emplastrum vesicans, quod processui mastoideo superimponi jussimus, derivandi videlicet causa.

d. III. Aprilis.

Videndi facultas lentissimo increscit gradu; cetera uti heri. Medicamina praescripta continuantur, regioni autem, e qua nervus supraorbitalis exit, emplastrum novum vesicans applicatur.

d. VI. Aprilis.

Aeger in dies melius se habet, praeter numerum et formas objectorum etiam colores distinguit, non omni tamen sine fallacia sensus. Cum morbis in chronicis natura rei, magistra experientia, postulat, ut incitamenta artificialia interdum mutentur, ne consuetudinis lege omni efficacia priventur, hanc regulam secuturi loco infusionis, quam d. XXX. Martii sumere jussimus, quater in die pulverein esse praescribendum nobis videbatur, qui e granis duabus Camphorae cum Scrupulo Oleosacchari Cajaputi compositus esset, cui infusum theiforme e herba Menthae piperitae et Millefolii summitatibus superbibendum curavimus.

d. IX. Aprilis.

Omnia e voto succedunt; augetur dosis camphorae ita, ut grana nunc tria sumantur. Novum nervo supraorbitali imponitur vesicans.

d. XIV. Aprilis.

Cum sensus visus prope nunc ad statum normalem accedebat, superstite tantum debilitate organi adfecti, methodo

missa excitante ad roborantem potius nobis esse transeundum putavimus. Quem in finem aeger sequens sumsit decoctum.

R. Cort. peruv. opt. $\mathfrak{z}\beta$

Coqu. c. aqu. font. q. s. per hor.
len. igne. colat. $\mathfrak{z}\text{vj}$ adde:

Extr. Gentian. rubr. $\mathfrak{z}\beta$

Ess. Chenopod. ambrosiac.
aromatic. aa $\mathfrak{z}\text{jj}$

S. Omni trichorio cochlear.

d XXIII. Aprilis.

Aeger optime se habet; attamen procura, quam confirmatoriam dicunt, usus decocti peruviani continuatur et, ne debilitatem topicam nulli momenti habuisse videremur, oculos saepius in die linteis tegi jussimus, Spiritu serpilli et Lavenduli composito irrorendis.

Calendis Maji aeger in integrum restitutus abiit.

E p i c r i s i s.

Haec, quam narravimus morbi historia denuo probat, quod observationibus genuinis et repetitis, potissimum Schmucker a),

a) Vermischt. chirurgisch. Schrift. II. Bd. S. 5.
Chirurgisch. Wahrnehmung. I. Th. 43
Beobacht.

Richter b), Medicus c), Arne mann d) Lentine e) aliique eruerunt — amaurosin videlicet, saepius ac alia ex causa, e saburra abdominali, potissimum biliosa et verminosa, oriri. Quin tanta fontis hujus est frequentia, ut cl. Richter, penes quem summa, me Hercule, est fides historica, his utatur verbis: — „Immer „mehr und mehr berechtigt mich die Erfahrung, jedem, auch in Fällen, wo „keine deutliche Anzeige dazu ist, oder „wo ganz und gar keine, bestimmte Anzeige zu irgend einem Mittel ist, den „Gebrauch auflösender Visceralmittel zu „empfehlen. Ich kann versichern, daß „ich durch diese Mittel nicht selten in „Fällen, wo ich es kaum vermuthete, und „in einigen, wo die Krankheit wirklich

b) Anfangsgründ. der Wundarzneik. III. Bd.
§ 437. Medicin. und chirurg. Bemerk.
1. Bd. 19. Cap.

c) Geschicht. periodisch. Krankheit. 1. Bdch.
§. XX.

d) Syst. d. Chirurg. II. Th. V. Abschnitt.
S. 227.

e) Beobachtung. d. Krankheit. am Oberharz.
S. 17. 67.

„schon einige Jahre gedauert hatte, eine „vollkommene Heilung bewirkt habe.“ (Medic. chirurg. Bemerkung. S. 239). Num quis forte quaereret — qua ratione vis, quam sordes gastricae in organon visus exercent, intelligenda sit? — anato- mes ope res ita liquet. Nervus enim sym- pathicus magnus, qui omnibus abdominis organis imperat atque vinculi magni nec non admirabilis munere fungitur, quo cum aliis machinae nostrae partibus cohaerent mutuumque sibi vindicant commercium, e ramo sympathico s. profundo nervi pterygoidei, secundi quinti paris nervorum fronde in canali carotico pro parte componitur. Qui igitur nervum sympathicum magnum fere immediate in- festant stimuli morborum intestinales, con- ductoris hujus ope facillime etiam per con- sensum in nervum trigeminum hostiliter possunt operari. Inter trigeminum autem et par secundum nervorum, s. nervos op- ticos, commercium aliquod adesse, ex aliis phaenomenis id potissimum testatur, ut impetus lucis vebemens sternutationem ciere valeat; etsi vinculum, quo par tri-

geminum cum optico cohaeret, cultri ana- tomici diligentia nondum pateat.

Sordes porro gastricae tum omni, ut mihi videtur, jure ad causas debilitantes pertinent, tum astheniae organorum abdo- minalium praegressae sunt proles; quare non miraberis, quod visus infirmitatem quin abolitionem perfectam inducere que- ant.

Cum praeter debilitatem viscerum ab- dominalium autem stimulus etiam rheuma- ticus, cuius jam supra mentionem feci, in casu nostro non erat ignorandus, devicta abdominis asthenia et remota saburra, quae forte aderat, etsi evidenter non patebat, incitamentum istud rheumaticum tum ab organo nobiliori removendi, tum prorsus delendi causa, vesicantibus repetitis cam- phoraque uti, curae mihi cordique fuit. Lu- benter etenim fateor, ut usus camphorae, quem in resolutionibus nervorum scripto- res nimis empirice laudant, ea tamen sub conditione a medicina rationali commen- dari mihi videatur, cum stimulus rheuma- ticus, catarrhalis, arthriticus vel psoricus vera paralysos nervorum causa sit

Quam quippe sententiam, ut suum cuique tribuatur, experientiae et ingenio Balkii, carissimi olim praeceptoris, debeo.

Neque minus morbi hujus historia affirmat, quod respectu prognostico nonnullis ab autoribus observatum legimus — ut amaurosis pede celeri incedens majorem restituendae sanitatis spem praebeat, ac si sensim crescendo visum debeat.

Observatio II.

Die XXIX Septembris MDCCCXII mulier XL annorum auxilium meum imploravit, cujus anamnesticon a medico priori sequentibus verbis expertus sum. Die X hujus mensis aegrotā filiam peperit, quae infans sextus erat, quem duobus in matrimoniis conceperat. Quovis in puerperio antecedenti magnam sanguinis jacturam perpressa est et ob agalactiam fere perfectam infantes lactare non potuit. Praeterea ter fecit abortum. Partus iste non erat difficilis, nihilominus etiam haemorrhagia vexabatur per duodecim dies et praeter debilitatem modicam inde adortam per hebdomadem integram bene valuit, quam ob rem nullo medicamine utebatur.

excepto laxante, quod in quovis puerperio, nescio cujus consilio, sumere consuevit. Omitendum non est, ut de infidelitate mariti, cui natu longe major erat, valde semper suspicaretur. Octava post partum nocte e somno strepitu magno perterrita lecto exsiluit cameramque petiit adjacentem, in qua maritum rem cum ancilla habentem autorem strepitus deprehendebat.

Die XVII. Sept. medicus accessit aegrotam vidit delirantem. Pulsus parvus, spasticus, celer, temperies faciei et totius corporis valde imminuta et tota superficies sudore gelido erat madida. Propinato infuso Radicis Valerianae et florum Chamomillae cum liquore anodino minerali et Tinctura opii, nec non sinapismis suris superimpositis die sequente melius aegrotā se habuit.

Die XIX. Sept. delirium fere furiosum rediit et medico visum est, remediis antecedentibus intermixtus Moschius cum fomentationibus crurum calidis esse addenda.

Die XX. Septbr. Nocte praecedente bene dormivit, disparuit omne de-

lirium, functiones fere omnes normales. Versus vespertinum tempus delirium furiosum majori in gradu rediit cum rara organorum sensuum acie. Omnia medicamina summa virium intentione respuebat usque ad meridiem diei sequentis, quo tempore tincturae opii guttulas decem in potu coffeae, nescia quid sit, devoravit, quae tumultum nervorum sedabant somnumque modicum adducebant.

Die XXII. Septbr. Hodie emeticum propinatum est, quod bilem multam cum muco ejecit. Infusum e herba Gratiolae cum Extracto Hyosoyami mixtum sumere omnino et pertinaciter recusavit. Qua rerum angustia derasis, capillis cranium glacie tegebatur. Usque ad diem XXVIII. Septbr. omni medicina vacabat, delirio non interrupte et vehementer perdurante. Tunc temporis mihi medico cura aegrotantis mandata est.

Quod ad definitionem morbi nosologicam fscit, nec momentum haesitavi, quin maniam vocassem. Haemorrhagiae in puerperiis praecedentibus sic ut in praesenti iam perpessae, systemati nervoso

aegrotantis debilitatem sensibilem paraverant, quae cum temperamento cholericum et cupidine rixandi, inter causas praedisponentes jure erat collocanda. Suspicio de infidelitate mariti, quae animum aegrotae non interrupte turbavit, causam habeto remotam psychicam, quae intemperiem sensorio inducendi sat valebat. Denique terrorem nocturnum, suspicionis probationem et motam inde iram causas fuisse hujus morbi occasionales extra omnem dubitationis aleam positum est.

Eventum felicem esse expectandum iis quidem rationibus suffultus credidi, tum quoniam mania haec breve modo ante temporis spatium orta typum morbi acuti servabat, nec ulla erat complicatione ambigua insignis; tum etiam ea e ratione, quod aegrotans esset sexus sequioris, in quo omnia quidem incitamenta, potissimum psychica, enormes tumultus ciere valeant, sed cito etiam sedari possint et re vera sedentur. Nec exitus spem meam fefellit. De methodo medendi rationali cogitans, id mihi praec aliis consilii esse videbatur, ut

1) stimuli accessorii gastrici materiales removerentur, quo facto

2) Vitalitas sensorii nimis adaucta sedaretur atque aequaliter in ceteras organismi partes distribueretur; denique

3) Medicina leniter tonica et subadstringente cohaesio fibrarum augeretur, quarum imminutionem verum debilitatis irritabilis esse fontem cum cl. Balkio opinor, quam theoriam quippe experientia omnino probare videtur, cum huic debilitatis generi nulla profecto medicina tam cito et tute medemur, ac subtonicis et subadstringentibus per tempus sat longum propinatis atque quoad dosin vel gradum potentiae provide auctis.

His rationibus nixus die XXIX Septembris Tartari emetici grana sex in sex uncias aquae destillatae soluta propinavi atque quavis semibora cochlear sumendum esse jussi; sed neque emesis aut conatus modo vomendi, neque dejectio alvina eo mota est. Vespere eadem medicina reiteratur, addito simul enemate e tribus aceti vini totidemque infusi florum arnicae un-

ciis parato. Et haec quidem ullo absque effectu.

Die XXX. Septbr. Hodie mane amplius ac aliis diebus aegrota furuit, manus simul circumferens, adstantes opprobriis objurgans, vestes suas aliorumque lacerans; potissimum autem cupidine flagravat, res splendidas diruendi sicuti in illis observatur, qui hydrophobia correpti sunt. Pulsus parvus, duriusculus, spasticus. Quibus phaenomenis motus, ut encephalitis hic imminens averteretur, statim fomentationibus frigidis caput muniendum curavi, suras sinapismis circumdedit, enema ex aceto et aqua porrigendum jussi, atque pro usu interno Uncias sex infusi concentrati Valerianae praescripsi, cui grana duo Tartari emetici et Drachma acidi Tartari essentialis addidi; de quo omni hora cochlearia duo essent sumenda. Tempore vespertino status aegrotantis eo mutabatur, ut furor in fletum abiret, qui crisis mihi videbatur, finem paroxismi indicans. Pulsus conditio non alia ac mane.

Die I. Octobris. Nox praeterita insomnis, versus auroram modo per ses-

quihoram dormivit. E somno experfecta quaestionibus propositis cum ratione responderebat atque petiit, ut medicina illi porrigeretur, quam hucusque non nisi vi coacta sumsit. Alvum exoneravit et feces multas biliosas dejecit. Appetitus bonus, sed de artuum modo lassitudine summa querebatur. Vespertino non minus tempore mentis optime erat compos atque mihi sponte narravit, quae, uti illi videretur, ad morbum suum forte fecissent. Sic e. g. confessa est: ut, etsi statim ab initio matrimonii secundi marito non fuisset contenta, tamen, aetatis discrepantiam semper rite perpendens, mariti infidelitatem reticendo tolerasset, adeo, ut infantibus ejus extra conjugium genitis baptizandis ipsa curam impendisset. Negare nimirum non cupiit, eo vehementius, quo magis illam reticeret, indignationem istam in intimo suo saeviisse corde, quae omnia verosimillime morbi praesentis fundamenta jecissent. Ut cetera silentio praeteream.

Die II. Octobris. Parvus hodie delirii insultus, sed tranquillius; aegrota

appetit cibos et medicinam, bene quoque dormivit. Medicamina eadem.

Die III. Octobris. Uti heri. Pes sinister dolet et in regione surae, quae sinapismo erat tecta, oedematosus tumescit. Ceratum huic loco Saturni superimponitur. Interne camphorae grana duo cum saccharo omni trihorio propinantur, superbibendo infuso theiformi e floribus Arnicae et floribus Chamomillae.

Die IV. Octobris. Hodie melius aegrota se habet; delirii nullum amplius vestigium; mens quieta, quin hilaris; appetitus, excretiones, somnus quomodo in statu normali; surae modo exulceratae valde dolent et cum unguento e calce viva deligantur. Usus camphorae continuatur.

Die V. Octobris. Omnia uti heri.

Die VII. Octobris. Optime se habet, de debilitate tantum universali queritur; abdomen levi gradu tensum. Ad tonica nunc esse confugiendum autumans. Decoctum corticis peruviani cum Extracto Millefolii, Oleosacharo Millefolii et Tinctura Castorei praescripti: omni trihorio

cochlear sumendum. Abdomen et regio ossis sacri unguento nervino illinatur.

Die IX. Octobris. Exulcerationes surarum fere sanatae. Aegra tum mentis vires tum corporis redire sentit; functiones omnes normales. Medicina eadem utitur.

Die XI. Octobris. Exulcerationes perfecte sanatae. Decocto corticis peruviani cum liquore anodino martiali utitur aegra unacum balneo tepido, quotidie sumto.

Die XVII. Octobris. Aegra, quae melius se habet ac unquam, domum rediit et usque nunc, uti nuperrime expertus sum, sanitate perfecta fruitur.

E p i c r i s i s.

Fore forsitan opinor, qui, hanc historiam legentes, eam foveant sententiam, in casu nostro metastasin lacteam cerebrum petiisse, quae causa maniae hujus illis esse videretur verosimillima. Quamquam vero cl. Selle *f*) metastases lacteas ad cerebrum interdum deponi autumat, quas maniae aut melancholiae puerperalis causas fieri

f) Medicin. clin. 5te Auflage. S. 537.

posse suspicatur; tamen hac de re propria ex perientia edoctus non videtur, cum in opere alio *g*), in quo tot observationum de metastasibus lacteis mentionem fecit, nec unicum tantum casum enarrat, qui de materia lactea ad cerebrum deposita testaretur, si non historiam puerperae forsitan huc referre velles, quam ab hoc autore narratam legimus *h*). Sed mammae hoc in casu lacte abundabant et dissectio cadaveris post mortem pus verum, non vero materiam seroso-lacteam, detegebat, sub meningibus et in ipsa cerebri substantia scattens. Scriptores anatomiae pathologicae nec ullum metastaseos lacteae ad cerebrum exemplum ex observationibus fere innumerabilibus memorant; quid? quod, ipsae cerebri exulcerationes, quarum historias servarunt, fere semper in viris observatae sunt. Denique experientia teste pro comperto habemus, ut encephalum rarissime tantum organi pathologice secernentis munere fungatur, quod potissimum in

g) Neue Beiträge z. Natur- und Arzneiweis. 1—3. Th. Berl. 1782—86.

h) Neue Beiträge. 1. Th. S. 36. ff.

aetate fit infantili. quae hydropi ventriculorum cerebri est obnoxia.

Praeterea observatio haec altera, aequae ac prior, quam supra narravi, demonstrat, quantum faciat ad curationem morborum cerebri et nervorum felicem, ut medicus abdomen respiciat, stimulos morbosos omnes ab organis illius amoveat atque tumultum in plexibus nervosis abdominalibus excitatum, quantum modo possit, sedet, aut e contrario, cum torpor nervis istis insideat, incitamentis topicis in abdomen directis prudenter utatur.
